

32  
Nobilis, Magnifice, Clarissimèq; Domine,  
Pax Christi!

Clarissima Dominationis V<sup>ra</sup>, brevem illam quidem, ac pene Spar-  
tanam, Atticā tamen quavis humanitate potiore, epistolam, Octo-  
bris 9. die, St. n. latus accepi. cui cur illico (quod officii ratio postu-  
lasset) non responderim; causam fortassis Prænobilis Dnus Jo. Paulus  
à Laumgarten exponet.

Ceterum, Magnifica V. Claritudini nequaquam opus erat; propriis  
ad me datis, Decada meam Lustram, tanquam beneficium, ac donum  
quoddam, prosequi: recordanti præsertim, & quantum ea sibi me, tam di-  
uturnā, liberali, patientiaq; plent, Suidæ commodatione. devinxerit: &  
ante sexennium quam munificā me coenā, cum Prænobilibus Dominis  
Consulibus, ceterisq; Viris Consultissimis, exceperit domi suæ; seu Musæ-  
rum potius Norimbergensium Parnasso: cujus rei memoriam ego gratam  
etiamnum retineo; retineboq; cum Humanitatis illius prædicatione proli-  
xā, quoad vivam.

Quod autem Magnifica Claritudo V<sup>ra</sup>, præter hæc, etiam solutionem  
offert, aut compensationem; injuriam fieri genio meo puto; cujus est,  
fuitq; semper, Dare beatius, libentiusq;, quam accipere, juxta Christi  
regis apophthegma. Servum ego me Benefactorum meorum, non  
Mundinatore, profiteor. Quapropter, altum esto Remuneratum, a  
pud Claritudinem V<sup>ra</sup> erga me, silentium! potiusq;, siquid aliud, quod  
in arbitrio facultatibusq; meis erit, desiderarit; id, ut promptè grati-  
ficaturo, quoties volet, mihi significet, & imperet. Cuj Salutem ego  
plurimam, ab auctore Salutis omnis, precor ex animo: cū vobis Collegis meis.  
Dilingæ, mensis Octobris 21. St. n. Anno 1665.

Magnificæ Clarissimæ Dominationis V<sup>ra</sup>

servus in Christo,


Joannes Bisselius, P. I.



Bibl. Reg.  
Berol.

1862





Nobili, Magnifico, & Claris-  
simo Domino, Joanni Micha-  
ëli Diltherro, Norimbergæ P.  
Professori Publico, & Gymnasii  
Directori, etc. Dnō s. pluri-  
mū observandō. ꝑ.

Norimbergæ.